

## توهن بري تاهو چارا حال المسيح دالم ڪتاب ۲ هق توروڻ بلوم فد المسيح لاهير لاکي

### 3 توهن بري تاهو دولو چارا حال المسيح راج هق توهن فيليه ايت

دالم انجيل ڪيت نمفق ڪات، فد ماس عيسى المسيح لاهير ايت، سمو اورغ يهودي، (يا ايت اورغ اسرائيل - بڻسا هق جادي ڪتورونن نبي ابراهيم ملالوئي ڪو انق دي نبي اسحاق دان چوچو دي نبي يعقوب)، دوق ننڍي سئورغ راج هق توهن جنجي ڪات نق بري بڻسا دي سلامت درفد سترو ۲ دي. فواق ايت تاهو ده ڪات راج يڻ مهامليا ايت جادي ڪتورونن راج دائود، دان فڻڪيل دي المسيح، معنائ، راج هق توهن فيليه ايت.

دالم زبور دان ڪتاب ۲ هق نبي ۲ دولو اد باق ايات هق بري تاهو چارا حال المسيح، راج هق توهن فيليه ايت، سبب توله ڪيت نق فيليه باج ستغه ۲ ساج. تافي ڪيت نق نمفق ڪات اد جوڪ ايات ۲ هق فايه فهم، اتوا هق مقصود دي دالم. ڪادغ ۲ ڪيت نق برتمو دغن ايات ۲ هق بوليه فهم مقصود دي دوا ٽيڪ جالن.

1. مقصود هق برسڻڪوت فائوت دغن فرڪارا ۲ فد ماس توهن مپفي خبر ايت.

2. مقصود هق بري تاهو فرڪارا ۲ چارا حال عيسى المسيح فس فرڪارا ۲ ايت سمفرن ده دالم انجيل.

3. مقصود هق بري تاهو فرڪارا ۲ چارا حال عيسى المسيح، تافي فرڪارا ۲ ايت تائسمفرن لاکي، نق جادي ماس ڪو دافن.

توجوان مٿاجي اين، كيت نق بوليه فريقسا تيٿوق هق توهن  
بري تاهو دولو چارا حال المسيح، اتوا راج هق توهن فيليه ايت  
دالم زبور دان كتاب ۲ هق نبي ۲ دولو.

مولا ۲ كيت نق فريقسا تان، دالم كتاب ۲ ايت اد كا دق ايات ۲  
هق بري تاهو كات، المسيح، راج هق توهن فيليه ايت، جادي  
كتورونن نبي داود ؟

\*\*\*\*\*

خبر هق توهن ميمفي كوء كتاب نبي دولو  
چارا حال كتورونن راج داود

\*\*\*\*\*

1. بچاله 2 سموئيل 11:7 - 13 دباوه ايت.

13-11 خبر هق توهن بري كا نبي داود: اكو نق بري  
كتورونن مو دوق تتف سعمور. <sup>12</sup> بيلا مو سمفي  
ماس نق تيٿكل دنيا كي دوق سكالې دغن تو نينيق  
مو، اكو نق بري انق بواه مو تيمبول ماري، فس نق  
بري دي مريته دان ماجو. <sup>13</sup> دياه نق بينا رومه هق  
سوچي انتوق اكو، فس نق اد كتورونن دي لاكي هق  
بوليه دوق اتس تحت راج سمفي سلام ۲.

2. نق تان سيكيت. چوب تولىس جوافن دتمفت كوسوځ  
دباوه اين.

1. توهن جنجي دغن راج داود كات سئورځ كتورونن دي

نق «دوق اتس تحت راج سمفي سلام ۲». راج حق اد كواس  
بوليه بوات سروف ايت كنا جادي اورغ لاکو مان؟ کیت نمفق  
لاکو مان؟

\* جوافن: .....

2. تافي، بيلا کیت باچ چارا حال عيسى المسيح دالم انجيل، کیت  
فهم کا دق خبران فرکتان حق توهن بري کا نبي داود ايت؟

\* جوافن: .....

\*\*\*\*\*

خبران حق توهن تورون دالم زبور  
چارا حال راج حق توهن فيليه ايت

\*\*\*\*\*

3. بچاله زبور 1:2 - 3، دان 6 - 8 دباوه اين.

- |   |  |
|---|--|
| 1 | اف فائده سموا نكري دوق بوات هارو هارا؟   |
|   | اف فائده فواق ۲ ايت دوق مشواره دغن سيا ۲ ساج؟                                    |
| 2 | راج ۲ نكري ايت نائيك موريه نق لاون دغن توهن،<br>فس دغن راج حق توهن فيليه ايت.    |
|   | کتوا ۲ دي فاكت کيرا سام سنديري کات:  |
| 3 | ماري کیت بري فوتوس رنتي کواس توهن<br>دغن راج دي !                                |
|   | کیت نق چابوت تاهوق تالي فرينتاھن دي.   |
|   | .....  |
| 6 | توهن فون کات: نیله راج حق اکو لتق ده<br>دکوت صيون، دبوکیت حق سوچي انتوق اکو ايت. |

7	فس راج ايت سنديري فون کات:
	اکو نق سرو بري دغر رات ۲
	فرکتان توهن چارا حال اکو.
8	توهن رویت ده کا اکو، کات:
	موله انق کو هق سجاتي،
	هاري اين اکو نق بري پات کات، اکوله باف مو!

4. نق تان سيکيت. چوب تولىس جوافن دتمفت کوسو غ دباوه اين.

1. ميسل کات سموا راج ۲ دان سموا کواس ۲ ددنيا فاکت نق لاون دغن راج هق توهن فيليه ايت، سياف نق بوليه منغ؟ کيت نمفق لاکو مان؟ سبب اف؟ (زبور 1:2-3)

\* جوافن: ر..... هق ت..... ف..... ايت کنا منغ، سبب .....  
.....

2. اد جالن کا دق مائسي مان ۲ نق بوليه لاري لفس درفد تالي فرينتهان راج هق توهن فيليه ايت؟ کيت نمفق بالس مان؟ سبب اف؟ (زبور 3:2)

\* جوافن: .....

3. دالم انجيل اد رویت کا دق چارا حال فرکارا ۲ برسغکوت فائوت دغن عيسى المسيح سروف دغن فرکارا هق اد رویت دالم زبور 2:2-3؟ سياف دي اورغ ۲ هق اد کواس هق برلاون دغن عيسى ايت؟.

\* جوافن: .....  
.....

4. سياف دي هق لتق راج ايت بري بوليه مريسته؟  
\* جوافن: ..... (زبور 6:2)

5. سياف دي هق رويت كا راج ايت كات: موله جادي انق  
دي هق سجاتي؟ (فرهاتيله حروف بسر دزبور 8:2)  
\* جوافن: .....

6. دالم انجيل، اد كا دق، ايات ۲ هق بري تاهو كات توهن  
سنديري بري پات كات المسيح جادي انق دي؟ رويت  
بري سيكيت چارا حال فركارا ۲ ايت!  
\* جوافن: .....  
.....  
.....

5. بچاله زبور 110: 1 دباوه اين.

1 (نبي داؤد كات:) توهن رويت ده كا رتي كو كات:  
دودوقله سبله كانن كو  
سهيفك اكو بري سترو ۲ مو جادي فلافيق كاكى مو.

6. نق تان سيكيت. چوب تولىس جوافن دتمفت كوسوڭ  
دباوه اين.

1. تكه نبي داؤد دوق تريما وحيو درفد توهن، سروف نبي  
داؤد دغر توهن كيچيق دغن سياف؟ (زبور 110:1)  
\* جوافن: دايات ايت كات «توهن رويت كا رتي كو»،  
معنا، رتي هق ن..... د.....دوق سمبه.

2. «رَبِّي هق نبي داؤد» دوق سمبه ايت تنجوق كا سياف؟  
 \* جواون: ر..... هق توهن فيليه ايت، معناث ..... ..

3. دالم انجيل توهن بياس رويت كا عيسى المسيح كا دق سروف  
 دالم زبور 1:110، كات «دودوقله سبله كانن كو، سهيغك اكو بري  
 سترو ۲ مو جادي فلافق كاكي مو.» ؟ ( كالو تاهو، رويت سيكيت)  
 \* جوافن: .....

\* فرهايله! دالم زبور 6:2 توهن فغكيل راج هق دي فيليه ايت،  
انق توهن. دالم زبور 1:110 توهن فغكيل دي رَّبِّي. فركارا ۲  
 اين دالم سوغكوه ۲. كالو توهن تاءبري چرف دالم انجيل،  
 بفكالي كيت تافهم. تافي كيت براني كات، چرف ده،  
 المسيح، راج هق توهن فيليه ايت، مستي جادي لبه فد مائسي  
 هق لائين.

\* لفس فد ماس نبي داؤد 200 تاهون، اد سئورغ نبي، نام يعشيا،  
 هق تريما خبران درفد توهن چارا حال راج هق توهن فيليه  
 ايت. خبران ايت بري تاهو چرف كات راج ايت جادي  
مائسي، سئورغ كتورونن هق نبي داؤد، تافي دي ايت جادي  
توهن يغ مهاكواس جوكت !

\*\*\*\*\*

### راج هق توهن نق بري تيمبول

\*\*\*\*\*

7. بچاله كتاب نبي يعشيا 6:9 - 7 دباوه اين.

6 کران اد سئورغ بودق جنتن هق بارو برانق،  
 ديهاله هق توهن بري انتوق كيت.

دي نق مريته اتس فواق كيت،  
فس اورغ نق فغكيل دي:  
فميفين هق بيجقسان،  
توهن يغ مهاكواس،  
باف هق ككل،

راج هق بري رعية ۲ دي دوق دغن سلامت سجهترا.  
دياله كتورونن راج دائود هق نق ماري مريته،  
كواس دي نق كهور ۲ بسر،

فس دي نق فرينته دغن حكوم ۲ هق بتول،  
امبيق دماس لاني كي سمفي سلام ۲ ث

توهن، هق جادي كفلا اتس سكل كواس ۲،  
دياله هق چادغ نق بري جادي فركارا ايت.

8. نق تاش سيكيت. چوب تولىس جوافن دتمفت كوسوغ  
دباوه اين.

1. ايات ۲ ايت بري تاهو كات راج هق توهن فيليه ايت جادي  
مائسي، تافي دي جادي توهن جوكد. اد كا دق دالم  
انجيل ايات ۲ هق رويت سروف ايت چارا حال عيسى  
المسيح؟ ايات ۲ هق مان؟

\* جوافن: .....

2. كيت نمفق بالس مان؟ فركارا هق رويت داتس سائي بوليه  
جادي كا دق؟ سياف دي هق اد كواس بري بوليه جادي؟  
(يعشيا 7:9).

\* جوافن: .....، هق جادي كفلا اتس سكل كواس،  
دياله هق چادغ نق بري جادي فركارا ايت.

\* تنتوله اد بايق اورغ يهودي هق باچ ده ايات ۲ چارا حال فرکارا ۲ اين، تافي دي تافهم، اتوا تافيه تريما. تافي اورغ ۲ ايت بوليه فهم فرکارا ۲ لائين هق توهن بري تاهو چارا حال راج هق توهن فيليه ايت - سروف راج ايت نق جادي «راج هق نق بري رعية ۲ دي دوق دغن سلامت سجهترا»، اتوا راج هق نق بري بغسا يهودي سلامت درفد سترو ۲ دي. سبب توله بيلا عيسى المسيح لاهير كا دنيا، بايق اورغ يهودي دوق هارف كات عيسى جادي المسيح، يائيت راج هق نق بري بغسا دي سلامت درفد سترو ۲.

\* اورغ ۲ ايت تانمفق لاكي كات، دي كنا اد جوړو سلامت درفد كواس ابليس جوكد. لبيه ۲ لاكي دي تانمفق كات توهن ساج هق اد كواس بري مائسي بوليه لفس درفد حكوم ماتي كران دوسا.

\* كيت نمفق ده كات توهن بري تاهو دولو دالم زبور دان كتاب ۲ هق نبي ۲ دولو، كات المسيح، راج هق توهن فيليه ايت، جادي سئورغ مائسي، كتورونن هق راج دائود (نبي دائود). كيت نمفق جوكد كات توهن فغكيل دي، انق توهن دان «رتي». افبيل كيت باچ چارا حال عيسى المسيح دالم انجيل، كيت نمفق كات سموا فركارا ايت سمفرن ده. كيت نمفق چرف كات، بودق هق بارو برانق ايت (يعشيا 6:9)، تنجوق كا عيسى المسيح. دان لاكي، بيلا عيسى لاهير ايت، سروف توهن سنديري دغن كواس بسر هق دي، تورون ماري كا دنيا جادي مائسي انتوق نق تولوغ كيت بري سلامت درفد حكوم ماتي.

\* چرف ده كات، عيسى المسيح له هق جادي جوړو سلامت هق توهن چادغ ايت، دان لاكي راج هق توهن فيليه ايت جوكد.